

Namminersorlutik Oqartussat Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut inatsisaat pillugu nalunaarutaat

Manna Umiarsualivimmiinnermut akileraarutit pillugit Inatsisartut inatsisaat nr. 20, 30. oktober 1992-imeersoq, Inatsisartut inatsisaatigut nr. 4, 13. maj 1993-imeersukkut, Inatsisartut inatsisaatigut nr. 14, 28. oktober 1993-imeersukkut, Inatsisartut inatsisaatigut nr. 11, 13. juni 1994-imeersukkut, Inatsisartut inatsisaatigut nr. 17-imut, 3. november 1994-imeersukkut, Inatsisartut inatsisaatigut nr. 1, 20. maj 1998-imeersukkut, Inatsisartut inatsisaatigut nr. 2, 21. maj 2002-meersukkut, Inatsisartut inatsisaatigut nr. 3, 27. marts 2006-imeersukkut, Inatsisartut inatsisaatigut nr. 14, 2. november 2006-imeersukkut, Inatsisartut inatsisaatigut nr. 8, 5. december 2008-meersukkut, Inatsisartut inatsisaatigut nr. 14, 3. juni 2015-imeersukkut, Inatsisartut inatsisaatigut nr. 61, 20 november 2023-meersukkut kiisalu Inatsisartut inatsisaatigut nr. 79, 21. november 2025-meersukkut allannguutilik nalunaarutigineqarpoq.

§ 1. Umiarsuit nunalinneranni umiarsualiviilluunniit avataanni kisarneranni imaluunniit Kalaallit Nunaanni kisarfimmut tikinneranni akileraarutininik akitsuutinillu ukuninnga akileeqquneqarput, taamaattorli § 6 takuuk:

- 1) § 3 malillugu umiarsualivimmiinnermut akileraarut.
- 2) § 4 malillugu umiarsuarnut takornariartaatinut umiarsuarnullu ilaasartaatinut ilaasunut akitsuut.
- 3) § 5 malillugu umiarsuarnut takornariartaatinut umiarsuarnullu ilaasartaatinut avatangiisinut aserfallatsaaliuinernullu akitsuutit.

Umiarsualivimmiinnermut akileraarutit

§ 1 a. (Atorunnaarpoq)

§ 1 b. (Atorunnaarpoq)

§ 1 c. (Atorunnaarpoq)

§ 2. (Atorunnaarpoq)

§ 3. Umiarsuit tamarmik nunalinneranni umiarsualiviilluunniit avataanni kisarneranni imaluunniit Kalaallit Nunaanni kisarfimmut tikinneranni akileraarutinik ukuninnga akileeqquneqarput, taamaattorli § 6 takuuk:

Imm. 2. Umiarsualivimmiinnermut akileraarut minnerpaamik 100 bruttotonimut (BT) ukununnga BT-mut akigititaqarlutik naatsorsorneqartassapput:

- 1) Umiarsuaq takornariartaat ullormut unnuamullu aallartittumut 1 kr. 10 oori, umiarsuup 30.000 BT qaangersimanggippagu, taamaattorli § 3 takuuk.
- 2) Umiarsuup takornariartaatip BT-ia 30.000-uppat taannaluunniit qaangerpagu ullormut unnuamullu aallartittumut 2 kr. 20 ooriussaaq, taamaattorli imm. 3 takuuk.
- 3) Umiarsuaq ilaasunik angallassisussatut sananeqarsimasoq (umiarsuaq ilaasartaat) 100 BT-iuppat taannaluunniit qaangerlugu angissuseqarpat ullormut unnuamullu 1 kr. 10 ooreqassaaq.
- 4) Angallatit aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut ullormut unnuamullu aallartittumut 0 kr. 70 ooreqarput.
- 5) Umiarsuit nassiussanik angallassisartussatut sananeqarsimasut, kiisalu umiarsuit allat sap.ak. aallartinneri tamaasa 0 kr. 70 oori.

Imm. 3. Sunngiffimmi angallatit nunanit allaneersut 100 BT ataallugu angissusillit, matumani angallatit tingerlaatillit, umiarsualivimmiinnermut akitsuutaat ullormut unnuamullu aallartittumut 300 kr.-qarput.

Imm. 4. Umiarsuit takornariartaatit ilaasartaatillu Nuummi Kangerlussuarmilu tulanneranni ullormut unnuamullu aallartittumut akileraarut, umiarsuup bruttotonnagea 30.000 BT qaangersimanggippagu BT-mut 0 kr. 00 ooriussaaq, aamma umiarsuup BT-ia 30.000 -uppat taannaluunniit qaangerlugu angissuseqarpat BT-mut 0 kr. 70 ooriussaaq. Sunngiffimmi angallatinut nunanit allaneersunut akitsuut 0 kr.-uvoq.

Ilaasunut akitsuut

§ 4. Umiarsuit takornariartaatit umiarsuillu ilaasartaatit umiarsualivimmiinnermut akileraarummut tapitut, ilaasut tamarmik amerlassusaat malillugit umiarsuit nunalinneranni, kisarneranni imaluunniit kisarfimmut tikinnermi nunalinerit tamaasa ataasiarlutik ilaasunut akitsuummumut akiliisassapput. Ilaasumut ataatsimut ilaasunut akitsuut 50 kr.-uvoq. Umiarsuit ilaasartaatit 100 BT ataallugu oqimaassusillit ilaasut akitsuutaannut akiliisassanngillat.

Imm. 2. Ukiumut aningaasanut inatsiseqarfusumut 2026-mut taassumalu kingorna ilaasunut akiliut Inatsisartunit aningaasanut inatsimmi aalajangerneqassaaq.

Avatangiisinut aserfallatsaaliuinnermut akiliut

§ 5. Umiarsuit takornariartaatit umiarsuilluunniit ilaasartaatit umiarsualivinnut umiarsualiviilluunniit avataannut niusineranni, tassunga ilanngullugit sineriammi pinngortitamilu niusinermi, kommunalbestyrelsi avatangiisinut aserfallatsaaliuinnermullu annerpaamik 50 kr.-nik akiligassanik aalajangersaanissamut piginnaatinneqarpoq. Umiarsuit ilaasartaatit 100 BT ataallugu oqimaassusillit avatangiisinut aserfallatsaaliuinnermut akiliummut akiliisassanngillat.

Imm. 2. Nunaligussinermi umiarsuup ilaasui tunngavigalugit nunaligunneqartut amerlassusaat apeqqutaatinnagit akiliut naatsorsorneqassaaq. Angallammit ataatsimit nunniussinerit qanoq

amerlatiginersut apeqqutaatinnagu sumiiffimmi ataatsimi qaammatisiutit malillugit ulloq unnuarlu ataatsimi aqqusaarneq ataatsitut isigineqarpoq.

Imm. 3. Kommunalbestyrelsip sumiiffiit attuumassutillit tamakku toqqassavai, aamma ukiup siuliani akileraartarnermut aqutsisoqarfimmu kingusinnerpaamik 1. oktobarimi nalunaarutigineqartussat akiligassat annertussaat taakkununga atasut aalajangersassallugit.

Ilaatinneqanngitsut

§ 6. § 3 aamma 4 malillugit akileraaruteqartussaaitaanut ilaatinneqanngitsut kiisalu § 5 malillugu akitsuutinu ilaatinneqanngitsut tassaapput:

- 1) Aalisariutit Kalaallit Nunaanni angerlarsimaffeqartutut nalunaarsorneqarsimasut.
- 2) Angallatit aalisariutit Kalaallit Nunaanni aalisarnermik suliffeqarfimmit attartorneqartut.
- 3) Umiarsuit 200 bruttotonimit (BT) minnerusumik angissuseqartut Kalaallit Nunaanni angerlarsimaffeqartutut nalunaarsornikut.
- 4) Niuerfimmi atugaanngitsut sorsuutit danskinit nunanillu allanit pigineqartut, kiisalu danskit nunallu allat naalagaaffiisa umiarsuaataat.
- 5) Umiarsuit Namminersornerullutik Oqartussat ingerlatsiviinit, Kalaallit Nunaanni kommunimit imaluunniit danskit naalagaaffiannit pigineqartut attartorneqartulluunniit.
- 6) Umiarsuit aseruatersimasut usimik allagartaat malillugit umiarsualivimmut pineqartumut nunalittussaangikkaluartut.
- 7) Umiarsuit taamaallaat pujorsiuatiminnik aaqqiiniallutik, nakorsamik atorfissaqartitsillutik, inuttatik taarsissallugit, imaluunniit napparsimasunik, toqusunik imaluunniit umiusimasunik imaluunniit imaani umiarsuarmut ikisaminnik imaluunniit ilisimasortamik niusiartorlutik umiarsualivimmut nunalinniartut.
- 8) Umiarsuit taamaallaat ilisimasassarsiornermut imaluunniit ikiuiniarnermut atorneqartartut.
- 9) Umiarsuit nunaqarfinnik isorliunerusunillu pilersuinermi aalajangersimasunik ingerlaarfeqartut.
- 10) Ilaasartaatit umiarsuaatileqatigiiffinnit pigineqartut ilaasunik angallassinermut tunngatillugu Kalaallit Nunaanni Namminersorlutik Oqartussanut sullissinissamik isumaqatigiissuteqartut.
- 11) Umiarsuit Kalaallit Nunaanni aalajangersimasumik inissinneqartut, taamaallaat umiarsuarmut annanniutit, kalittaatit, siorartaatit, ujaqqanik qalluutit, aqqartartut umiarsuaattut prammitulluunniit atorneqartut.
- 12) Umiarsuit Kalaallit Nunaanni nunami suliffissuarmi tunisassiornissaq siunertaralugu aalisakkanik imaluunniit aalisakkanit tunisassianik Danmarkimi, Savalimmiuni nunaniluunniit allani pisianik usingiartut.
- 13) Umiarsuit nunaqarfinni avinngarusimasunilu aalisakkanik aalisakkaniillu tunisassianik pisiortortut.
- 14) Umiarsuit uuliamik uulianiluunniit tunisassianik taamaallaat assartuisut.
- 15) Umiarsuit 100%-imik pisortanit pigineqartut sinnerlugit taamaallaat eqqakkanik atortussanillu atoqqitassanik katersuinermut, angallassinermut usingiarnermullu atatillugu atorneqartut.

Imm. 2. Umiarsuit umiarsualivimmut ataatsimut arlalinniluunniit aalajangersimasumik angalasut § 4 malillugu akileraaruteqartussaaitaanngillat aamma § 5 malillugu akitsuutinik akiliisinneqartussaangillat

Nalunaaruteqarneq, akunnaallisaaneq akiliinerlu

§ 7. § 4 malillugu akileraarutit akilerneqartussat umiarsuup tulanneranit ilaasut amerlassusaat pillugit paasissutissanik, umiarsualiviulluunniit avataani kisarneranit imaluunniit kisarfimmut tulanneranit tunngaveqartillugit aalajangerneqassapput. § 3 malillugu akileraarutit akilerneqartussat aamma § 5 malillugu akiliutit akilerneqartussat kingusinnerpaamik umiarsuup umiarsualivimmit imaluunniit kisarfimmit aallarnerani aalajangerneqassapput.

Imm. 2. Umiarsuup naalagaa, isumaqatiginninniartartua agentiataluunniit kingusinnerpaamik umiarsualivimmit kisarfimmiilluunniit aallarnerani akileraarutinut akiligassanik akitsuutinillu akileeqqusinernik naatsorsuutininik kiisalu umiarsuup suussusersinissaanut il.il. paasissutissat pisariallit toqqaannartumik akileraaruseriffimmut elektroniskingorlugit nalunaarutigisalertussaavai.

Imm. 3. § 3, imm. 2, nr. 1-3 naapertorlugit umiarsuit takornariartaatit umiarsuillu ilaasartaatit ilaasut amerlassusaat, kiisalu § 5 malillugu akiligassanut akilerneqartussanut atugassatut taakku inuiaassusaat, kiisalu sumiiffit tikinneqartut amerlassusaat ilaasullu angallammiittut amerlassusaat nalunaarutigissavaat.

§ 8. § 3 malillugu naatsorsuinermit tunngaviup naatsorsornerani BT kisitsisinut ilivitsunut qaninnernut ammut akunnaallisinneqassaaq.

Imm. 2. §§ 3 aamma 4 akileraarutit akilerneqartussat aamma § 5 malillugu akiligassat akilerneqartussat umiarsuup umiarsualivimmit kisarfimmiilluunniit aallarneranit akiligassangussapput.

Imm. 3. Akileraaruseriffimmit akiligassiissutip tigneraniit akileraarutit akiligassat, akiligassallu akilerneqartussat akiligassangornikut akileraaruseriffimmut ullut 14-it qaangiutsinnagit akilerneqassapput, taamaattorli imm. 4 takuuk.

Imm. 4. Umiarsuit umiarsualivimmut ataatsimut arlalinnuunniit aalajangersimasumik angalasartut § 3 malillugu umiarsualimmiinnermut akileraarut pillugu Imm. 2 aamma 3-mi aalajangersagaasunit allaanerumik akilersueriaaseqarnissamik akileraaruseriffimmut isumaqatigiissusiorsinnaapput.

Imm. 5. Ukiup tulliani januari naatinnagu akileraaruseriffiup avatangiisinut aserfallatsaaliuinnermullu akiliutinit isertitat, takuuk § 5, kommuninut ukiumut ataasiarluni naatsorsoriarlugit akilertassavai.

§ 9. Akileraarutit akiligassat, akiligassallu akilerneqartussat umiarsuup akiligassai naatsorsorneqarsinnaangippata akileraaruseriffiup akileraarutit akiligassat, akiligassallu akilerneqartussat missingiillutik annertussusilersinnaavaat.

§ 10. Inatsisartut inatsisaat manna malillugu akileraarutinut akiligassanik, akitsuutinik akileeqqusissutinik, aamma akiliissutissangortitat akilernissaannut assigiittut pineqarlutik umiarsuaatilik, piginnittoq, attartuisoq aamma pisortaasoq akiliisussaapput.

§ 11. Naalackersuisut akiligassat kinguaattoorutit akilerneqangippata, akileraarutit, akiligassat pillaaammillu akiligassiissutit suliamillu suliarinninnermut aningaasartuutit akilerneqarnissaasa imaluunniit akiligassat qularnaveeqqusernissaasa tungaanut umiarsuit Kalaallit Nunaanni umiarsualivinnut tulannissaat itigartissinnaavaat.

§ 12. Naalackersuisut Inatsisartut inatsisaata matuma atuutilersinnissaanut uku pillugit erseqqinnerusunik malittarisassiorsinnaapput.

Imm. 2. Akileraaruseriffup nalunaaruteqartarfia pillugu najukkami umiarsualiveqarnermut oqartussat innersuussinissamut ilitsersuinissamullu tunngatillugu piumasaqaatinik Naalakkersuisut aalajangersaasinnaapput.

Imm. 3. Naalakkersuisut kommunit avatangiisinut aserfallatsaaliornermullu akiliummit isertitat atuinissaannut aamma naatsorsuusionerannut malittarisassanik erseqqinnerusunik aalajangersaasinnaapput.

§ 13. Inatsisartut inatsisaata atuutsinnissaanut Naalakkersuisut maleruagassiorsinnaapput aammalu umiarsuit ilaasa akileraarutitik akiliinnginnissaannik oqilisaaffigineqarnissaannilluunniit aalajangersagaliorsinnaallutik.

§ 14. Kinaluunniit piaaraluni mianersuaalliorujussuarluniluunniit makku pillugit akiliisneqarsinnaavoq:

1) akitsuutit akiligassallu akilernerqartussat naatsorsorneqarnissaannut taakkualu

nakkutigineqarnissaannut atugassanik eqqunngitsumik paasinerlunneqarsinnaasumilluunniit paasissutissiisoq imaluunniit paasissutissanik nipangiussiinnartoq, imaluunniit

2) pineqartumut akileraarutitut tunngavigisanik, akiligassanillu akileeqqusissutitik missingersuutigisatut inissiinerit nalunaarutiginerisa kingornatigut kingusinnerpaamik sapaatip akunneri sisamat qaangiutinnginneranni akileraarutitut akiliutissat, akiligassanillu akileeqqusinerit inissiinerit appasippallaarneri pillugit akileraaruseriffimmut nalunaaruteqanngitsoq.

Imm. 2. Kialuunniit, Inatsisartut inatsisaat manna naapertorlugu maleruagassiani aalajangersakkanik piaaraluneerluni mianersuaalliorujussuarluniluunniit unioqqutitsisup akiliisneqarnissaa pillugu aalajangersagaliortoqarsinnaavoq.

Imm. 3. Aktieselskabit, anpartsselskabit/ andelselskabit, piginneqatigiillutik umiarsuaatileqatigiit assigisaalluunniit unioqqutitsippata piginneqatigiiffik akiliisneqarnissamut akisussaatinneqarsinnaavoq.

§ 15. Naalakkersuisut imaluunniit Naalakkersuisut tamatumunnga piginnaatitaata Inatsisartut inatsisaanni matumani aalajangersakkanik unioqqutitsisooq nalunaarfigisinnaavaat suliassap eqqartuussinertaqanngitsumik naammassineqarsinnaaneramik, unioqqutitsisup unioqqutitsinini nassuerutigippagu akiliisitsissullu nalunaarummi taaneqartoq piffissaq aalajangersimasooq, qinnuteqarnikkullu sivitsorneqarsinnaasooq, nallertinnagu akilerumallugu akuersippat.

Imm. 2. Nalunaarummut imm. 1-imi taaneqartumut tunngatillugu aalajangersakkat Kalaallit Nunaanni eqqartuussisarnermi inatsimmi kapitali 5-imi, unnerluussinermit imaqartut aammattaaq atuupput.

Imm. 3. Akiliisitsissut piffissaq eqqorlugu akilernerqarpat imaluunniit aalajangiunneqarnermi kingorna akiliisitsiniarnikkut akilersinneqarpat qanoq iliuuseqaqqittoqas sanngilaq.

Imm. 4. Pillaammik akiliisitsissut landskarsimut nakkartinneqassaaq.

§ 16. Inatsisartut inatsisaat ullormi 1. januar 1993-imi atuutilissaaq.

§ 2

Inatsisartut inatsisaat una atortuulissaaq aprilip aallaqqaataani 1993-imi.

Inatsisartut inatsisaat nr. 14, 28. oktober 1993-imeersoq^[2] atuutilernissamut ima aalajangersagaqarpoq:

§ 2

Inatsisartut inatsisaat 1. juli 1994-imi atuutilissaaq.

Inatsisartut inatsisaat nr. 11, 13. juni 1994-imeersoq^[3] atuutilernissamut ima aalajangersagaqarpoq

§ 2

Inatsisartut inatsisaat 1. juli 1994-imi atuutilissaaq.

Imm. 2. § 1, nr. 1-imi aalajangersagaq ullormiit 1. januar 1994-imiit atuutilerpoq.

Inatsisartut inatsisaat nr. 17, 3. november 1994-imeersoq^[4] atuutilernissamut ima aalajangersagaqarpoq:

§ 2

Inatsit manna atortuulersinneqarpoq 1. januar 1995 aallarnerfigalugu.

Inatsisartut inatsisaat nr. 1, 20 maj 1998-imeersoq^[5] atuutilernissamut ima aalajangersagaqarpoq:

§ 2

Inatsisartut inatsisaat manna 1. juli 1998 aallarnerfigalugu atortuulissaaq.

Umiarsualivimmiinnermut akileraarutit pillugit Inatsisartut inatsisaata allangortinneqarneranik Inatsisartut inatsisaat (Umiarsuit takornarianik angallassissutit ilaasunik angallassinermi akitsuummik akiliisinneqartalernissaat) nr. 2, 21. maj 2002-meersoq^[6] atuutilernissamut ima aalajangersagaqarpoq:

§ 2.

Inatsisartut inatsisaat manna 1. juli 1998 aallarnerfigalugu atortuulissaaq.

Umiarsualivimmiinnermut aamma umiarsuit takornarianik angallassissutit ilaasunik angallassinerrannut akileraarutit pillugit Inatsisartut inatsisaata allanngortinneqarneranik Inatsisartut inatsisaat (Umiarsuit takornarianik angallassissutit ilaasunik angallassinerrannut akileraarummik qaffaaneq kiisalu angalanerit ataatsimut aaqqissuuteriikkat akileraarutaat) nr. 3, 27. marts 2006-imeersoq^[7] atuutilernissamut ima aalajangersagaqarpoq:

§ 2.

Inatsisartut inatsisaat atuutilissaaq ulloq 1. april 2006-imiit.

Inatsisartut akitsuutit il.il. pillugit inatsisaasa ilaasa allanngortinnerat pillugu inatsisartut inatsisaat (Akileraaruserinerup qitiusumiit ingerlanneqalernerata kinguneranik allannguutit aamma nakkutilliinnermut maleruagassat erseqqissaateqarfigineri) nr. 14, 2. november 2006-imeersoq^[8] atuutilernissamut ima aalajangersagaqarpoq:

§ 11

Inatsisartut inatsisaat 1. januar 2007-imi atortuulissaaq.

Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allanngortinneranik inatsisartut inatsisaat (Akileraarutip qaffannera) nr. 8, 5. december 2008-meersoq^[9] atuutilernissamut ima aalajangersagaqarpoq:

§ 2

Inatsisartut inatsisaat 1. januar 2009-miit atortuulerpoq.

Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit inatsisartut inatsisaata allanngortinneqarneranik Inatsisartut inatsisaat (Umiarsuarni takornarianik angallassisuni ilaasut akileraarutaannik aamma ilaasunik nalinginnaasunik takornarianillu angallassinermi ilaasut akileraarutaannik atorunnaarsitsineq) nr. 14, 3. juni 2015-imeersoq^[10] atuutilernissamut ima aalajangersagaqarpoq:

§ 2

Inatsisartut inatsisaat 1. juni 2015-imi atuutilissaaq.

Umiarsualivimmiinnermut akileraarutit pillugit Inatsisartut inatsisaata allangortinnera pillugu Inatsisartut inatsisaat (Umiarsuarni takornarianik angallassisuni ilaasut akileraarutaannik atuutilersitseqqinneq) nr. 61, 20. november 2023-meersoq^[11] atuutilernissamut ima aalajangersagaqarpoq:

§ 2

Inatsisartut inatsisaat ulloq 1. december 2023 atuutilissaaq.

Imm. 2. § 1, nr. 1-12, ulloq 1. januar 2024 atuutilissapput.

Inatsisartut inatsisaat (Kangerlussuarmi umiarsualivissinnermut umiarsuarnullu aalajangersimasunut akileraarutinik allangortitsineq, kiisalu elektroniskingorlugit nalunaaruteqartarnermut tunngatillugu aaqqiineq)^[12] nr. 79, 21. november 2025-meersoq atuutilernissamut ima aalajangersagaqarpoq:

§ 2

Inatsisartut inatsisaat ulloq 1. januaari 2026 atuutilissaaq.

Aningaasaqarnermut Akileraartarnermullu Naalackersuisoqarfik ulloq 7. januaari 2026

Nikolai S. Christensen (atsior.)
Naalackersuisoqarfimmi pisortaq

/Morten W. Selvejer (atsior.)

- [1] Inatsimmik allanngineq § 3, imm. 1, nr. 3 aamma imm. 2-mut tunngavoq.
- [2] Inatsimmik allanngineq § 2, nr. 5 aamma 7-imut aamma § 3, imm. 1, nr. 3, aamma imm. 2-mut tunngavoq.
- [3] Inatsimmik allanngineq § 3, imm. 1, nr. 3-mut aamma nr. 4-mut aamma imm. 2-mut kiisalu § 15, imm. 4-mut tunngavoq.
- [4] Inatsimmik allanngineq § 3, imm. 1, nr. 3-mut tunngavoq.
- [5] Inatsimmik allanngineq § 3-mut tunngavoq.
- [6] Inatsimmik allanngineq qulequttamut, § 1-imut, § 2, nr. 10-mut kiisalu § 5-imut tunngavoq
- [7] Inatsimmik allanngineq § 1, imm. 2-mut aamma § 5, imm. 4-mut tunngavoq.
- [8] Inatsimmik allanngineq § 1-imut, §§ 5-imut, 9-mut aamma §§ 13-imut, 14-imut tunngavoq.
- [9] Inatsimmik allanngineq § 1, imm. 2 aamma 3-mut tunngavoq.
- [10] Inatsimmik allanngineq qulequttamut, §§ 1, imm 2 aamma 3-mut, § 3, imm. 1, nr. 1-imut kiisalu § 5, imm. 1 aamma 4-mut tunngavoq.
- [11] Inatsimmik allanngineq qulequttamut, § 1, imm. 1-imut, §§ 1 a-mut, 1 b-mut, 1 c-mut, § 2-mut, § 3, imm. 1 aamma 2-mut, §§ 4-mut, 6-imut, § 10-mut, 12-imut kiisalu § 14, imm. 1 aamma imm. 2-mut tunngavoq.
- [12] Inatsimmik allanngineq §§ 1-10 aamma § 12-mut tunngavoq.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut